

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 31. decembra 2008. godine, donijela je

ZAKON

O IZMJENAMA I DOPUNAMA ZAKONA O NABAVLJANJU, DRŽANJU I NOŠENJU ORUŽJA I MUNICIJE

Član 1.

U Zakonu o nabavljanju, držanju i nošenju oružja i municije ("Službene novine Kantona Sarajevo", broj 38/07) u članu 3. iza stava (1) dodaje se novi stav (2) koji glasi:

"(2) Odredbe čl. 20., 22. i 24. ovog Zakona ne odnose se na lica iz stava (1) ovog člana, prilikom podnošenja i rješavanja po zahtjevu za izdavanje odobrenja za nabavljanje oružja i municije i zahtjevu za registraciju oružja."

Član 2.

U članu 18. iza stava (2) dodaje se novi stav (3) koji glasi:

"(3) Zamjena vatrenog oružja može se izvršiti i sa pravnim licima iz člana 42. ovog Zakona koja su dužna u roku od osam dana obavijestiti nadležnu policijsku upravu o izvršenom postupku zamjene."

Član 3.

U članu 19. iza stava (2) dodaje se novi stav (3) koji glasi:

"(3) Fizička i pravna lica kojima je izdato odobrenje za držanje i nošenje oružja mogu prenijeti pravo svojine na vatreno i vazdušno oružje i pravnim licima iz člana 42. ovog Zakona, koja su dužna u roku od osam dana obavijestiti nadležnu policijsku upravu o izvršenom prenosu prava svojine."

Član 4.

U članu 21. stav (4) u tač. a) i b) iza riječi "organizacije" dodaju se riječi "sa područja Kantona Sarajevo".

U stavu (4) iza tačke c) dodaje se nova tačka d) koja glasi:

"d) Komisija iz tačke c) vrši nadzor nad radom sportskih streljačkih organizacija sa područja Kantona Sarajevo, o načinu osposobljavanja fizičkih lica, o tehničkom znanju za pravilno rukovanje oružjem i poznavanju propisa koji se odnose na držanje i nošenje oružja."

Član 5.

U članu 37. iza stava (1) dodaje se novi stav (2) koji glasi:

"(2) Izuzetno, rok iz stava (1) ovog člana, ne primjenjuje se tokom propisanog roka za postupak zamjene oružnih listova iz člana 57. stav (1) ovog Zakona."

Član 6.

U članu 52. stav (1) riječi: "novčanom kaznom ili" se brišu, riječ "kaznom" zamjenjuje se riječju "Kaznom".

Član 7.

U članu 55. stav (1) iza tačke s) dodaju se nove tač. t) i u) koje glase:

"t) pravna lica koja se bave prometom oružja i municije, ukoliko u propisanom roku ne obavijeste nadležnu policijsku upravu o izvršenoj zamjeni vatrenog oružja (član 18. stav (3)), i

u) pravna lica koja se bave prometom oružja i municije, ukoliko u propisanom roku ne obavijeste nadležnu policijsku upravu o izvršenom prenosu prava svojine (član 19. stav (3))".

U stavu (3) u prvom redu iza tačke „r)" dodaju se nove tač. „t) i u)".

Član 8.

U članu 57. stav (1) riječ "jedne" zamjenjuje se riječju "dvije".

Član 9.

Iza člana 57. dodaje se novi član 57a. koji glasi:

"Član 57a.

Izdavanje odobrenja za oružje koje je dodijeljeno po osnovu nagrade ili prilikom odlaska u mirovinu:

(1) Lica koja u trenutku stupanja na snagu ovog Zakona posjeduju oružje po osnovu važeće odluke o dodjeli vatrenog oružja po osnovu nagrade ili prilikom odlaska u mirovinu, bez obzira na datum dodjele vatrenog oružja, dužna su u roku iz člana 57. ovog Zakona podnijeti zahtjev za izdavanje odobrenja za nabavljanje oružja, kao i zahtjev za registraciju oružja.

(2) Prilikom rješavanja po zahtjevu lica iz stava (1) ovog člana primjenjuju se odredbe čl. 20., 21. i 22. ovog Zakona.

(3) Ukoliko lice iz stava (1) ovog člana ne postupi u skladu sa odredbama stava (1) ovog člana, primijenit će se odredbe čl. 39. i 41. ovog Zakona."

Član 10.

Ovaj Zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-34318/08Č31. decembra 2008. godineČSarajevo

PredsjedavajućiČSkupštine Kantona SarajevoČdr. **Denis Zvizdić**, s. r.